


KULTUR AZPIEGITURAK. Teknologia berrietan oinarrituz, Gipuzkoa osora hedatzea lortu du

KM Kulturuneak 10 urte bete ditu kultur zerbitzuaren erreferentzia gisa

Zazpi milioi herritarrek erabili dituzte Koldo Mitxelenaren zerbitzuak urte horietan guztietan



EGUNKARIA

Jendea Donostiako Koldo Mitxelena Kulturunearen atarian, barrura sartzeko zain.

Leire Aramendi | DONOSTIA

Liburutegi aberatsa izateaz gain, hitzaldiak, erakusketak, jardunaldiak, eta, oro har, kultur ekintza ugari antolatu izan ditu Donostiako Koldo Mitxelena Kulturuneak. 1993ko azaroan Koldo Mitxelena lehen aldiz ireki zenean proiektu bat besterik ez zena, errealitate bihurtu da: Gipuzkoako erreferentzia kulturala izatera iritsi da. Kulturuneak hamargarren urteurrena betetzen duen urte honetan, hainbat erronkari aurre egin nahi diote; gehienbat, teknologia berrien alorrean. Hala ere, mementoz ez dute urteurrena ospatzeko ekitaldi berezirik antolatu.

Euskal Herriko nahiz kanpoko idazleak eta artistak, arte garaikideko erakusketak eta gizarte puri-purian dauden gaiak, alor ugari jorratu dituzte Koldo Mitxelenan. Aldi berean, liburu, artxibo eta dokumentazio zabalago dago herritar ororen eskura. Hasiera batean, gehienbat Donostia eta inguruko herrietako biztanleek erabiltzen bazuten ere, gaur egungo teknologia berriei esker gipuzkoar guztiengana iristea lortu da.

Izan ere, teknologia berriek eskaintzen dituzten aukerei begira, kulturuneak ez du inoiz atzean geratu nahi izan. Hasi-ratik atera die etekina teknolo-

giaren aurrerapenei; mediateka eta liburutegiko edukia ordenagailu bidez kontsultatzeko aukera eskaintzen aitzindaria izan zen, besteak beste.

Artxibo eta dokumentuak, Gipuzkoan eskura

Gaur egun, Donostiako egoitzan dauden zerbitzu asko Gipuzkoa guztira hedatu dira Interneti esker. Gipuzkoako edozein herritatik liburuak, diskoak eta DVDak eska daitezke, eta 24 ordu baino lehen herriko liburutegian izango ditu.

Antolatzen dituzten ekitaldien isla bihurtu da 1997an sor-

tutako web orria. Ekitaldi kulturalak Internetetik jarrai daitezke; erakusketen berri zehatza ere ematen da. Liburutegi birtuala sortzeko ahaleginean ari dira; horretarako, Sancho el Sabio Fundazioarekin elkarlanean dabilza. Dagoeneko hainbat dokumentu eta artxibo eskuragarri daude sarean, Julio Urkixoren dokumentu eta eskuizkribu guztiak sarean daude, besteak beste.

2003. urtean ere zientzia, literatura eta beste hainbat gairi buruzko jardunaldiak egingo dira adierazi du Koldo Mitxelena zuzendari Frantxis Lopez

10 URTEOTAKO DATUAK

- **Bisitari kopurua:** 7 milioi
- **Maileguan utzitako disko, liburu eta dokumentuak:** 1,7 milioi
- **Kultur ekintzak:** 1.255
- **Ikusle kopurua:** 118.000
- **Erakusketak:** 46 erakustaretoan eta 58 Ganbera aretoan
- **Erakusketetako ikusleak:** 350.000
- **Bazkide kopurua:** 60.101
- **Internet bidezko kontsultak 2002an:** 40.000

Landatxek. Irakurketa egunak antolatuko dituzte, liburu eta disko berriak jasoko dituzte eta web orriari eduki berriak gehituko dizkiote.

Gipuzkoako Foru Aldundiko kultura saila nahiz kulturuneako arduradunak pozik agertu dira hamar urteotan lortutako helburuekin. «Koldo Mitxelena sendotzea eta gizarteratzea lortu dugu», azaldu du Luis Maria Bandres Gipuzkoako Foru Aldundiko Kultura diputatuak. Frantxis Lopez Landatxeren ustez, «Gipuzkoako dokumentazioaren memoria izatera iritsi da». Ideia eta proiektuen sarturten bihurtu dela ere gaineratu zuten.

Hamar urtean etengabe berritzen joan da, eta horrela jarraituko dutela esan du Foru Aldundiko Kultura zuzendari Maria Jesus Aranburuk. «Gizartearen beharrei erantzunez, beti berritzen joatea da gure nahia».

2003KO EGITARAUA

ZIKLOAK-JARDUNALDIK Katalunia-Euskadi Topaketak:

Urtarriletik maiatzera bitartean.

'Immigrazioa: gure beldurra eta segurantzarik eza' mintegia: Otsailetik maiatzera bitartean.

Zientzia, Teknika, Kultura eta Gizarteari buruzko jardunaldiak: Landare transgenikoak: Otsailaren 17tik 20ra.

Iparraldeko leihoa: Martxoko ostegun guztietan.

Ardopolis: V. Ardoari buruzko jardunaldiak: Apirilaren 8tik 10era.

Antiqua: Azaroaren 25etik 28ra.

IRAKURKETA GIDAK

Georges Simenon, Marguerite

Yourcenar, Marc Legasse, Max Aub eta Pere Gimferrer.

BESTELAKOAK

Estilo ariketak / Kabaret Literarioa:

Raymond Queneauren mendeurrena.

Max Aub: Antzerkien irakurketa.

Juan San Martin: Literatur obraren azterketa eta omenaldia.

Jose Maria Mendiola: Omenaldia.

ERAKUSTARETOA

Arkitektura ezentrikoak: Otsailaren 4tik apirilaren 19ra.

Artista Berrien Lehiaketa: Maiatzaren 8tik ekainaren 21era.

Nomadak eta bibliofiloak: Uztailaren 10etik urriaren 5era.

Leopoldo Ferran-Agustina Otero-Valerie Belin: Urriaren 28tik 2004ko urtarrilaren 10era.

GANBERA ARETOA

Biltzen, berritzen, barneratzen (1994-2002): Kultura departamenduak azken urteetan berreskuratutako ondarea. Otsailaren 12tik 22ra.

Jose Miguel Zumalabe: Apirilaren 12tik maiatzaren 17ra.

Txiki Zabalo: Maiatzaren 28tik uztailaren 12ra.

Jose Llanos: Uztailaren 23tik irailaren 13ra.

Julio Urkixoren: Irailaren 24tik azaroaren 2ra.

Tomas Hernandez Mendizabal: Azaroaren 13tik 2004ko urtarrilaren 10era.

euskararen
donostia
patronatu



zinea

- **Olentzero, gabonetako ipuina**
Otsailaren 1ean, 17.00etan
Lugaritz Kultur Etxean

antzerkia

- **Zapatak**
La Sal teatroa
Otsailaren 8an, 18.00etan
Lugaritz Kultur Etxean
- **Erreka Mari**
Txotxongillo taldea
Otsailaren 9an, 18.00etan
Antzoki Zaharrean

ipuinen ordua

- **Ipuin itzulipurdiak**
Urtarrilaren 31n, 18.00etan
Lugaritz Kultur Etxean
- **Txikipuinak**
Otsailaren 5ean, 18.00etan
Casares Kultur Etxean
- **Pangea, kontinenteen sakontasunera bidaia (2. zatia)**
Afrika, Europa eta Asia
Hizlaria: Ander Izagirre
Otsailaren 4an, 19.30etan
Koldo Mitxelena Kulturunean
Bageraren astearte kulturala

ikastaroa

- **Euskal dantzak**
Otsailaren 11tik apirilaren 8ra, asteartetan
19.00etatik 20.00etara eta 20.00etatik 21.00etara
Larrotxene Kultur Etxean
Izen ematea: urtarrilaren 29tik otsailaren 7ra

lehiaketa

- **Donostiako Eskolarteko XIV Literatur Lehiaketa Koldo Mitxelena saria**
LH, DBH, Batxilergoa eta Lanbide Heziketako ikasleentzako
Lehiaketa motak: komikia, olerkia, ipuina, bertso papera eta gutun idazketa
Lanak aurkezteko epea: 2003ko martxoaren 11rako